



Data: 22.06.2020 Ref.: 577/20D

Në mbështetje të nenit 4, dhe 23, të Ligjit për Administratën Shtetërore të Republikës së Kosovës (nr.03/L-189, datë 16.09.2010), Ligjit për Procedurën e Përgjithshëm Administrative (nr. 05/L-31, datë 25 maj 2016), neni 7, dhe neni 15 të Ligjit për Arsimin e Lartë në Republikën e Kosovës (Nr. 04/L-037, datë 29.08.2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Këshilli Shtetërorë i Cilësisë (KSHC), në mbledhjen e 80-të, të mbajtur më 01 prill 2020, mori:

V E N D I M

I. Refuzohet kërkesa e "Kolegji Heimerer" për akreditim të programeve të studimit si më poshtë:

- Infermieri, MSc, 120 ECTS, dhe
- Terapi Manuale, MA Profesional, 120 ECTS;
- Teknik i Lartë Laboratori, MA Profesional, 120 ECTS;
- Audiologji, MA Profesional, 120 ECTS.

II. Ky vendim hyn në fuqi me nënshkrimin e tij.

Arsyetimi

Kolegji Heimerer ka parashtruar kërkesë Nr.2116/19H, datë 31.10.2019, në Agjencinë e Kosovës për Akreditim për akreditim të programeve të studimit si në vijim: Infermieri, MSc, 120 ECTS, Terapi Manuale, MSc, 120 ECTS; Teknik i Lartë Laboratori, MSc, 120 ECTS; Audiologji, MA Profesional, 120 ECTS.

Bazuar në nenin 10 të Udhëzimit Administrativ për Akreditimin e Institucioneve të Arsimit të Lartë, Nr. 15/2018, datë 28.09.2018, (tash e tutje UA për Akreditim), KShC në mbledhjen e mbajtur me 1 prill 2020 ka trajtuar aplikacionin e Kolegji Heimerer. Në pikën 1.2 të nenit 10 të UA për Akreditim, thuhet, "Në përputhje me kërkesat e këtij udhëzimi administrativ, KShC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike se bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KShC-së për aprovim formal. Raporti përmbledhës për gjendjen e stafit në bazë të të dhënave të dorëzuara nga institucionet e arsimit të lartë përgatitet nga stafi i AKA-së".

Bazuar në nenin e referuar më sipër KShC ka verifikuar te gjithë dokumentacionin relevant dhe kualifikimit të stafit akademik për programet e studimit. Këto te dhëna janë prezantuar në mbledhjen e KSHC-së të mbajtur me 1 prill 2020, dhe pas shqyrtimit të dosjes për secilin staf akademik, KShC erdhi në përfundim se programet e studimit Infermieri, MSc, 120 ECTS, Terapi Manuale, MSc, 120 ECTS; Teknik i Lartë Laboratori, MSc, 120 ECTS; Audiologji, MA Profesional, 120 ECTS, nuk i plotësojnë kushtet ligjore për aprovim të aplikacionit.

1. Për programin e studimit: *Infermieri, BSc, 180 ECTS*, si bartës të këtij programi Kolegji Heimerer ka paraparë këta persona: Petrit Beqiri, Laura Pajaziti.

Pas verifikimit të dokumentacionit të prezantuar nga ky institucion u vërtetua se stafi akademik Petrit Beqiri nuk ka nostrifikim të diplomës nga MASHTI, ashtu siç parashihet me dispozitat ligjore në fuqi. Sipas Udhëzimit Administrativ 16/2016 për parimet dhe procedurat e njohjes së diplomave, gradave dhe kualifikimeve të shkollave të larta profesionale dhe universitare të fituara jashtë Republikës së Kosovës, neni 3, 5 dhe 6, thuhet që: *“Të gjitha diplomat e shkollave të larta profesionale dhe universitare të fituara jashtë vendit me qëllim punësimi, do ti nënshtrohen procedurave të njohjes/barasvlerës në MASHT”*. Mbi këtë bazë në mungesë të vendimit për nostrifikim të diplomës (nga MASHT, siç parashihet me këtë UA), i njëjti nuk i plotëson kushtet ligjore për të qenë bartës i këtij programi të studimit.

Sipas nenin 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”*.

Andaj bazuar në faktet e prezantuara me sipër dhe dispozitat ligjore të sqaruara me lartë, KSHC erdhi në përfundim që ky program i studimit nuk i plotëson kushtet ligjore për aprovim, dhe mbi këtë bazë, vendosi ta refuzoj aprovimin e aplikacionit për programin e studimit *Infermieri, MSc, 120 ECTS*.

2. Për programin e studimit: *Terapi Manuale, MA Profesional, 120 ECTS*, si bartës të këtij programi Kolegji Heimerer ka paraparë këta persona: Margarita Van Dijk, Rilind Obertinca.

Pas verifikimit të dokumentacionit të prezantuar nga ky institucion për këtë program të studimit, sipas nenit 27, pika 2.1 *“Një program për titull apo diplomë profesionale në një shkencë të aplikuar ose në një fushë profesionale ose teknike (në nivelet 5 ose 6 të KKK-së) duhet të zhvillohet nga një ekip që përbëhet nga anëtarë të kualifikuar akademik e profesional me përvojë të dokumentuar pune në një fushë relevante;”* të Udhëzimit Administrativ për Akreditim të Institucioneve të Arsimit të Lartë, KShC erdhi në përfundim se UA nuk parashihet program Master Profesional të cilët mund të ofrohen me bartës të programit me gradë akademike Master.

Andaj bazuar në faktet e prezantuara me sipër dhe dispozitat ligjore të sqaruara me lartë, KShC erdhi në përfundim që ky program i studimit nuk i plotëson kushtet ligjore për aprovim, dhe mbi këtë bazë, vendosi ta refuzoj aprovimin e aplikacionit për programin e studimit *Terapi Manuale, MSc, 120 ECTS*.

3. Për programin e studimit: Teknik i Lartë Laboratori, MSc, 120 ECTS, si bartës të këtij programi Kolegji Heimerer ka paraparë këta persona: Shemsi Veseli, Gramos Begolli, Dua Danjulli Hashani dhe Kujtesa Hoti.

Pas verifikimit të dokumentacionit të prezantuar nga ky institucion për këtë program të studimit, sipas nenit 27, pika 2.1 "Një program për titull apo diplomë profesionale në një shkencë të aplikuar ose në një fushë profesionale ose teknike (në nivelet 5 ose 6 të KKK-së) duhet të zhvillohet nga një ekip që përbëhet nga anëtarë të kualifikuar akademik e profesional me përvojë të dokumentuar pune në një fushë relevante;" të Udhëzimit Administrativ për Akreditim të Institucioneve të Arsimit të Lartë, KShC erdhi në përfundim se UA nuk parasheh program Master Profesional të cilët mund të ofrohen me bartës të programit me gradë akademike Master.

Andaj bazuar në faktet e prezantuara me sipër dhe dispozitat ligjore të sqaruara me lartë, KSHC erdhi në përfundim që ky program i studimit nuk i plotëson kushtet ligjore për aprovim, dhe mbi këtë bazë, vendosi ta refuzoj aprovimin e aplikacionit për programin e studimit Teknik i Lartë Laboratori, MSc, 120 ECTS.

4. Për programin e studimit: Audiologji, MA Profesional, 120 ECTS, si bartës të këtij programi Kolegji Heimerer ka paraparë këta persona: Abdurrahman Zogaj, Shukrije Barutin


Pas verifikimit të dokumentacionit të prezantuar nga ky institucion për këtë program të studimit, sipas nenit 27, pika 2.1 "Një program për titull apo diplomë profesionale në një shkencë të aplikuar ose në një fushë profesionale ose teknike (në nivelet 5 ose 6 të KKK-së) duhet të zhvillohet nga një ekip që përbëhet nga anëtarë të kualifikuar akademik e profesional me përvojë të dokumentuar pune në një fushë relevante;" të Udhëzimit Administrativ (15/2018, datë 28.09.2018), për Akreditim të Institucioneve të Arsimit të Lartë nuk parasheh program Master të nivelit profesional dhe për këtë nuk lejohet vlerësim dhe akreditim të programeve MA profesional.

Andaj bazuar në faktet e prezantuara me sipër dhe dispozitat ligjore të sqaruara me lartë, KSHC erdhi në përfundim që ky program i studimit nuk i plotëson kushtet ligjore për aprovim, dhe mbi këtë bazë, vendosi ta refuzoj aprovimin e aplikacionit për programin e studimit Audiologji, MSc, 120 ECTS.

Këshillë juridike: Kundër këtij vendimi pala e pakënaqur mund të paraqitet ankesë sipas nenit 125 dhe 126, të Ligjit për Procedurën e Përgjithshëm Administrative (Nr. 05/L-31, datë 25 maj 2016). Ankesa kundër këtij akti administrativ i dorëzohet organit i cili e ka nxjerr këtë vendim bazuar në nenit 128 të LPPA, në afatin prej 30 nga dita kur pala është njoftuar për aktin administrativ sipas nenit 127 të LPPA.

Vendimi iu dërgohet:

- BPrAL Kolegji "Heimerer";
- MASHT-it;
- Arkivit të AKA-së.


Prof. Dr. Gazmend Luboteni
Kryetar i Këshillit Shtetëror të Cilësisë